

# UVODNA RIJEČ

## EDITORIAL

Poštovani čitaoci,

sa velikim zadovoljstvom, predstavljam vam *Geodetski glasnik* broj 48 u 51. godini izlaženja. Kao i obično, i ovaj puta imamo niz veoma zanimljivih radova iz oblasti geodezije i geoinformatike. Objavljeni članci su autorska djela eminentnih stručnjaka iz Bosne i Hercegovine, Slovenije, Hrvatske, Srbije, Makedonije i Turske tj. iz našeg bližeg i daljeg okruženja.

Vrijeme u kojem živimo je vrijeme izuzetno brzog protoka informacija neophodnih za sagledavanje i analizu novih saznanja iz oblasti geodetske struke, ali i za sagledavanje i analizu dešavanja o stanju geodezije općenito. *Geodetski glasnik* broj 48 sadrži informacije o diplomiranim inženjerima geodezije, koji su uspješno odbranili svoje diplomske radove pri Odsjeku za geodeziju i geoinformatiku Građevinskog fakulteta Univerziteta u Sarajevu. U glasilu je također navedena i informacija o geodetskim inženjerima kao i masterima geodezije koji su stekli geodetsku naobrazbu po novom (bolonjskom) načinu studiranja pri Odsjeku za geodeziju i geoinformatiku Građevinskog fakulteta u Sarajevu. Ovaj broj *Geodetskog glasnika* sadrži i informaciju o maturantima koji su završili svoje četverogodišnje obrazovanje u Srednjoj građevinsko-geodetskoj školi u Sarajevu. Posebno želim skrenuti pažnju na buduće skupove, kongrese i simpozijume o čemu možete pročitati u novom broju časopisa, uz nadu da ćete biti u mogućnosti prisustvovati barem na nekima od navedenih.

Naravno, težak je i trnovit put do izdavanja svakog broja časopisa *Geodetski glasnik*, pa je tako bilo i ovoga puta. Smatram posebno važnim naglasiti i istaći zalaganje, prije svega tehničkog uredništva koje je uložilo veliki trud i i vrijeme kako bi i ovaj broj časopisa bio dostupan geodetima i drugim zainteresovanim čitaocima u Bosni i Hercegovini i šire. Veliku zahvalnost dugujem i recenzentima, koji su odradili izuzetan posao.

Moram istaći i stalnu pomoć kompanija ***GeoWild d.o.o. Sarajevo***, ***Geodet, d.o.o. Sarajevo***, ***ZEDis d.o.o. Zenica*** i ***AMG d.o.o. Visoko***, koje pružaju nesebičnu pomoć pri štampanju časopisa. Ovaj puta su nam se pridružili i pojedinačni donatori, pa ovom prilikom iskazujem veliku zahvalnost ***doc.dr. Nedimu Tuni***, ***doc.dr. Jusufu Topoljaku*** i ***doc.dr. Esadu Vrceu*** na njihovoj materijalnoj podršci.

Sve vas, uvaženi čitaoci, pozivam na saradnju pri izdavanju svakog narednog broja *Geodetskog glasnika*.

Uz najbolje želje za Novu godinu,

Predsjednik Saveza udruženja građana  
geodetske struke u Bosni i Hercegovini  
*Admir Mulahusić*